

## Sazi e 'nzallanuti

Facitece parlà ca nuje tenimmo 'a voce  
chi va pe' 'e vie 'e 'sta terra  
ne vede 'e cose storte...  
e dice 'a verità!

Chi sta tutta 'a jurnata cu 'o cellulare 'nmano  
mo' manco 'e vede cchiù  
sta gente int' 'e cartune  
ca dormono 'a stazione  
e dice 'a verità...  
e chi pulezza 'e vetre  
e chi ha perzo 'a fatica  
e mo' se sceta 'e notte  
e chi po' ruciuleja  
e sta mmiezo a 'na via  
e dice 'a verità  
hê voglia d'alluccà  
ma chi vuò ca te sente  
si 'o sazio nun crede 'o diuno  
chi sta 'nzallanuto  
nun vede a nisciuno!

Te serve o nun te serve  
T'abboffano 'e strunzate  
'a robba s'ha da vennere  
'o ssaje ca tutte 'e juorne ce sta 'na nuvità!  
Hê fa sempe cchiù sorde pe t'accattà cchiù cose  
Hê correre cchiù forte pe' fa sempe cchiù affare  
Ce sta 'na nuvità... ma a nuje chi ce 'o fa fa'...  
È comme a 'na fattura  
Ce simmo abitate  
Ma pe' smerzà 'stu munno  
C'avessemo scetà  
E dice 'a verità... ca dormono 'a stazione!  
Hê voglia d'alluccà  
ma chi vuò ca te sente  
si 'o sazio nun crede 'o diuno  
cchi sta 'nzallanuto nun vede a nisciuno

Facitece parlà  
Ca nuje tenimmo 'a voce

Chi va pe' 'e vie 'e 'sta terra  
Ne dice 'e cose storte  
E dice 'a verità!

*SIAE 2005*